



Isalathiso: 20190830-8600
Inombolo yefayili 13/15/2
Imibuzo: C Klopper

INGcaciso eMfutshane yeCandelo loLawulo loVavanyo: 0010/2019

Iya: KumaSekela Balawuli-Jikelele, kuBalawuli abaziiNtloko, kuBalawuli, kwiiNgcali zeMfundo eziziiNtloko, kwiiNtloko zoKunika iNkxaso kwiKharityhulam, kwiiNtloko zoLawulo noKuphathwa kwaMaziko, kumaSekela eeNgcali zeMfundo eziziiNtloko; kuBaququzeleli boVavanyo neeMviwo, kuBacebisi beZifundo nakwiiNtloko zawo onke amaziko emfundo alungiselela abaviwa kwiimviwo zeSatifikethi seMatriki sikaZwelonke

Isihloko: Amaxesha amisiweyo okumakisha nolawulo lokubhalwa koMsebenzi woVavanyo ofanayo (Common Assessment Task) wokuxabangela kwiSifundo soLwazi ngezoBomi(Life Orientation (LO))kwiBakala 12 ngo-2019

1. UMsebenzi woVavanyo okuMgangatho ofanayo(Common Assessment Task (CAT)) weSifundo soLwazi ngezoBomi (LO) uya kubhalwa nge-02 Septemba 2019 ngokweNgcaciso eMfutshane yeCandelo loVavanyo 0007/2019.
2. **Ukumakishwa nokumodareyithwa kwangaphakathi kwe-CAT ye-LO**
 - 2.1 Ukumakishwa kwe-CAT ye-LO makuqhutyelwe esikolweni phantsi kweliso lenqununu notitshala oneqhuzu okanye nentloko yesifundo ebambeke njengomodareyitha yangaphakathi.
 - 2.2 Apho kukho ngaphezu kotitshala omnye ofundisa i-LO esikolweni, iinqununu zimele ukuqinisekisa ukuba ootitshala abazimakishi iincwadi zeempendulo zabafundi ababafundisayo.
 - 2.3 Ubuncinane ziipesenti ezilishumi zeencwadi zeempendulo ezimakishiweyo emazi modareyithwe ngutitshala oneqhuzu okanye yintloko yesifundo.

3. **Ukumodareyithwa kweempendulo zabafundi kwiphondo nakwisithili**

- 3.1 UMcebisi weSifundo se-LO makamodareyithe isampula yeencwadi zeempendulo kwizikolo ezikhethiweyo.
- 3.2 Ukumodareyithwa kwe-CAT ye-LO kwiphondo kuya kuqhutywa ukususela kwi-07 ukuya kwi-09 Oktobha 2019.

4. **Abafundi abangekhoyoesikolweni ngowe-02 Septemba 2019**

- 4.1 Makugcinwe irekhodi echanekileyo yabo bonke abafundi abangayibhaliyo i-CAT ye-LO ngowe-02 Septemba 2019.
- 4.2 Abafundi abangayibhaliyo i-CAT ye-LO nge-02 Septemba 2019 ngenxa yesizathu esiphathekayo, baya kuvunyelwa ukuba bayibhale i-CAT ye-LO yokuxabangela ecwangciselwe ukubhalwa ngowe-**02 Oktobha 2019** ukususela ngo-09:00 ukuya ku-11:00.
- 4.3 Kule meko, kubandakanywa oku kulandelayo "njengezizathu eziphathekayo":
 - (a) **ukugula**, okuxhaswa sisatifikethi sokugula esisemthethweni, esikhutshwe ligosa lezonyango elibhalisiweyo (*registered medicalpractitioner*);
 - (b) **izizathu eziphenjelelwa luvelwano lobuntu** ezibandakanya ukusweleka kwelungu losapho elisondeleyo kumfundi ezixhaswa yikopi yesatifikethi sokusweleka;
 - (c) umfundi **oya kuvela enkundleni yamatyala**, yaye oko makuxhaswe bubungqina obubhaliweyo;
 - (d) **nasiphi na esinye izizathu esinokwamkelwa njengesizathu esisemthethweni** yintloko yequmrhu lovavanyo okanye ngummeli wayo.
- 4.4 Ubungqina obungamaxwebhu aphaathelele kuzo naziphi na izizathu ezisemthethweni kwezi zingentla makagcinwe efayilini esikolweni yaye makenziwe afumaneke kwaNdlunkulu okanye kwisithili xa eceliwe.

5. **Ukulawulwa kokubhalwa kwe-CAT ye-LO yokuxabangela**

- 5.1 Ziyacelwa iinqununu zenze amalungiselelo ayimfuneko okuqhutywa kolu vavanyo yaye maziqinisekise ukuba izikolo zazo ziyayithobela yonke imiqathango nemigaqo emalunga neemviwo zeSatifikethi seMatriki sikaZwelonke (*National Senior Certificate (NSC)*).
- 5.2 Amaphepha emibuzo e-CAT ye-LO yokuxabangela aya kunikwa kuphela izikolo ezibaxelileyo abafundi abangekhoyo nge-02 Septemba 2019. Amaphepha emibuzo okuxabangela aya kunikwa izikolo phambi okanye ngowe-02 Oktobha 2019.

- 5.3 Nayiphi na imibuzo emalunga nokubhalwa kwe-CAT ye-LO mayibheksiwe ku-Mnu Christiaan Klopper nge-imeyili apha: Christiaan.Klopper@westerncape.gov.za okanye ngefoni apha 021 467 2407.
- 5.4 li-ofisi zezithili ziya kuzinika izikolo isikhokelo sokumakisha se-CATye-LO yokuxabangela. li-ofisi zesithili nazo ziya kuqinisekisa nokuba ukumakishwa kwephepha lokuxabangela kumodareyithwa ngaphakathi ezikolweni kwakunye nangaphandle yi-ofisi yesithili echaphazelekayo.
- 5.5 Abafundi abangayibhaliyo i-CAT ye-LO okanye i-CAT ye-LO yokuxabangela ngo-2019 baya kufumana iziphumo ezingaphelelanga kwiSifundo se-*Life Orientation (LO)*.Aba bafundi kuya kufuneka basiphinde isifundo, kuqukwa ne-*School-based Assessment(SBA)* ne-CATye-LO.
6. Kucelwa wazise ngale ngcaciso kubo bonke ootitshala nabafundi beBaKala 12 beSifundo se*Life Orientation* ukuze bayithathele ingqalelo.

ISAYINWE: NGU-PAD BEETS

USEKELA MLAWULI-JIKELELE WEKHARITYHULAM NOLAWULO LOVAVANYO

UMHLA: 2019-09-20